

**Refrain Intro**

Won i wohn, do kan i s gniesse  
In mim Park oder uffem Balkon  
Do han i Nochbere, wo grüesse  
Won i wohn, won i wohn, won i wohn

**Strophe 1**

D Helvetia schtobt am Bruggekopf und zwängt sich in s Bikini  
Denn schpringt si kopfvoraa in Rhy, wie e junge Teeni  
Und schwimmt so schnäll si ka  
Zum Ueli-Fährimaa  
Und frogt en: Hesch scho ghört  
Das isch doch total gschört

**Strophe 2**

Me häigi do per Zuefall schiints e bitzli witer unde  
Vor Klybegg und Kläihünige e neuu Insle gfunde  
Die sei scho zimlig out  
Versaut und überbaut  
Es tät de Auge weh  
Das müess me sälber gseh

**Strophe A**

Die Autibrugge, Glaspaläscht, wo us de Forme platze  
Dä Betondschungel und die Türm, wo an de Wolgge kratze  
Die likaufscenter, Parkinghüüser, Schiggimiggi-Shops  
Die Lift deruff in d Loft zur Frau Diräggder mit em Mops

**Strophe B**

Muesch Abgaswolgge inhaliere in de Hüüerschluchte  
S het Highways bis in Tiefgarage, Yachte in de Buchte  
**Obeduure sehsch uff s Land**  
**Undeduure fahrsch an d Wand**  
**ll: Obeduure Morgeroot**  
**Undeduure Otemnot :ll**

**Strophe 3**

Lut uuse lacht dr Fährimaa: Du bisch jo nit ganz bache  
Helvetia, was verzellsch du do für grauehafti Sache  
Mir sin doch nit bekloppt  
Dä Wahnsinn hämmer gschtöppt  
Helvetia, kumm mol mit  
Die Insle isch dr Hit

#### **Strophe 4**

Ich bind jetz mol mi Fähri los, mir fahre mit em Wind  
Dr Rhy durab, i ghör scho d Kind, wo uf dr Insle sind  
Scho gsehsch am Horizont  
Die bunti Hüüserfront  
Die Skyline vo de Bäum  
Dört bin au ich dehäim

#### **Strophe C**

Dr Fährimaa vertaut si Fähri amme schtargge Pflogg  
Und säit: In sällem grüne Huus wohn ich im vierte Schtogg  
Si göhn an Land und kaufe Gmües bir Tante Emma ii  
Paar Kinder schutte uf dr Schtrooss, s het Gärte bis an Rhy

#### **Refrain**

**Won i wohn, do kan i s gniesse  
In mim Park oder uffem Balkon  
Do han i Nochbere, wo grüesse  
Won i wohn, won i wohn, won i wohn**

**Won i wohn, han ich mi Höhli  
Und e saftigi Vegetation  
Wohn i wohn, han ich mi Wöhli  
Won i wohn, won i wohn, won i woh**

#### **Strophe D**

Du sehsch die blaue Dächer glänze in dr Oobesunne  
Do ghörsch die alte Männer diskutiere näbem Brunne  
Bim Pauseplatz do kläbt dr Schportclub an de Klätterwänd  
Dief unde imme Käller üebt e Räntnerinneband

#### **Refrain**

#### **Strophe E**

D Helvetia säit: In däm Greenhätten wär i gärn drbi  
Do mäint dr Fährimaa: Helvetia zieh doch bi mer ii  
**Obeduure Dachterasse  
Unde gits am Schtand e Glacé  
II: Obeduure Morgeroot  
Unde schmeggts noch früschen Brot :II**

#### **Refrain**

#### **Zusatz Refrain**

**Won i wohn, do kan i jätte  
Won i wohn, do kan i chätte  
Unde in de Greenhätten-Schätte  
Won i wohn, won i wohn, won i wohn**